


## Droch-aimsir

**Ceist 1:** Beidh tú ag féachaint ar ball ar thuirisc faoin drochaimsir ar fud na tíre faoi láthair  
Féach ar an tuairisc uair amháin agus pléigh an cheist seo leis an duine in aice leat:

Cé mhéad den eolas a d'éirigh leat a thuiscint, bunaithe ar na pictiúir agus ar eolas ar bith eile a bhí agat cheana féin?

**Ceist 2:** Seo stór focal a bhí le cloisteáil sa tuairisc. Ag obair leis an duine in aice leat aimsígí míniú na bhfocal:



**Ceist 3:** Féach ar an tuairisc don dara huair. An bhfuil na habairtí thíos fíor nó bréagach?

1) Deir MET Éireann go bhféadfadh suas le deich ceintiméadar sneachta titim. Fíor/Bréagach

2) I ndeisceart na tíre ba mhó a bhí contúirt do thiománaithe Fíor/Bréagach

3) Ó mheán lae ar aghaidh bhí sé ag plúchadh sneachta i mBaile Átha Cliath. Fíor/Bréagach

4) Níl aon bhaol go mbeidh tuitte agus toirneach go háitiúil. Fíor/Bréagach

5) D'fhéadfadh bóithre na tíre, go háirithe bóithre den dara grád a bheith an-chontúirteach. Fíor/Bréagach

6) Iarann an Rialtas ar thiománaithe a bheith cúramach orthu . Fíor/Bréagach

**Ceist 4:** ‘Teocht i bhfad níos ísle...’  
Cén ghné den ghramadach atá i gceist leis seo?  
Bain triail as na samplaí seo a leanas

1. Is é Séamus an duine is (sean) sa rang.
2. Tá an lá inniu níos (fliuch) ná inné.
3. Bhí an sean teach níos (ard) ná an teach nua.
4. Tá Pól níos (óg) ná Máire.
5. Tá an deoch seo níos (géal) ná sú oráiste.
6. Tá balla an tí níos (geal) anois leis an bpéint sin.
7. Bíonn Nuala níos (cúramach) lena cuid airgid ná Póilín.
8. Tá Liam níos (saibhir) ná Deirdre ach oibríonn Deirdre níos (minic) ná é.

**Ceist 5:** Féach ar an léarscáil thíos. Ceangail na focail thíos leis na litreacha A,B,C,D atá ar an mapa.

Tuaisceart= \_\_\_\_\_

Deisceart= \_\_\_\_\_

Iarthar= \_\_\_\_\_

Oirthear= \_\_\_\_\_



Críochnaigh na habairtí seo thíos.

- i. Tá Contae na Gaillimhe in \_\_\_\_\_ na tíre.
- ii. Tá Contae Chorcaí i \_\_\_\_\_ na tíre.
- iii. Tá Loch Neacha i \_\_\_\_\_ na tíre.
- iv. Tá Brú na Bóinne in \_\_\_\_\_ na tíre.

**Ceist 6:** Pléigh na ceistanna seo leis an duine in aice leat nó le do ghrúpa  
An gcuireann drochaimsir isteach orainn sa tír seo le hais tíortha eile ar  
fud an Domhain? An gceapann tú bhfuil tionchar ag téamh domhanda ar  
an drochaimsir atá againn faoi láthair?

**Freagraí**

**Ceist 1:** Is féidir an plé seo a dhéanamh i mbeirteanna nó i ngrúpaí.

<b>Ceist 2:</b>	Fógra	Notice
	Tiománaithe	Drivers
	Drochaimsir	Bad Weather
	Geallta	Forecasted
	Flichshneachta	Sleet
	Deisceart	South
	Oighear	Ice
	Sneachta	Snow
	Frontaí	Fronts
	Na Tuilte	The Floods
	Sioc	Frost
	Contúirteach	Dangerous

**Ceist 3:** 1=Bréagach  
2=Fíor  
3=Bréagach  
4=Bréagach  
5=Fíor  
6=Bréagach

**Ceist 4:** Níos Ísle= Breischéim na haidiachta  
Tar éis 'is' = Sárchéim na haidiachta

1=Sine  
2=Fliche  
3=Airde  
4=Óige  
5=Géire  
6=Gile  
7=Cúramaí  
8=Saibhre, Minice

**Ceist 5:** Tuaisceart= A

Deisceart= D

Iarthar= B

Oirthear= C

i= Iarthar  
ii= Deisceart  
iii= Tuaisceart  
iv= Oirthear

**Ceist 6** Is féidir leo na ceisteanna seo a phlé i mbeirteanna nó i ngrúpaí.

## **Sliocht**

### Eimear Ní Chonaola

Tá fógra tugtha do thiománaithe a bheith cúramach ar bhóithre na tíre ó tharla droch-aimsir geallta an chuid eile den tseachtain. Deir MET Éireann go bhféadfadh suas le cúig ceintiméadar sneachta titim in áiteanna<sup>1</sup> áirithe ar fud na tíre níos déanaí<sup>2</sup> anocht. Tá tuairisc ag Mícheál Ó Leidhin.

### Mícheál Ó Leidhin

Seo mar a bhí sé i go leor áiteanna ar fud na tíre ar maidin de bharr sneachta na hoíche aréir. I ndeisceart na tíre ba mhó a bhí contúirt do thiománaithe, mar go raibh flichshneachta agus oighear fós ar bhóithre. Ó mheánlae ar aghaidh bhí sé ag plúchadh sneachta i nDún na nGall. Thit an sneachta is troime le cúpla bliain anuas i rith an lae i go leor áiteanna ar fud an chontae. Tuairiscítear gur dúnadh go leor bóithre agus go raibh ar go leor dhaoine dul abhaile luath ón obair ar fud Dhún na nGall. Is cosúil go mbeidh an aimsir fuar amach go lár na seachtaine ar a laghad.

### Sinéad Ní Loideán

Frontaí aimsire anocht agus arís amárach, an-fhuar, an-fhliuch agus i mbliana anois le hais anuraidh, an t-am seo anuraidh, tá an teocht i bhfad níos ísle ach faraor in áit an aimsir thirim fuar gheal a bhí againn thar thréimhse na Nollag, beidh sé i bhfad níos fliche agus níos gaofaire as seo go dtí an Déardaoin ar aon nós, le baol tuilte agus toirní go háitiúil freisin.

### Mícheál Ó Leidhin

Agus gaoth láidir chomh maith le sioc geallta don chuid eile den tseachtain agus d'fhéadfadh bóithre na tíre, go háirithe bóithre den dara grád a bheith an-chontúirteach. Iarann Met Éireann ar thiománaithe a bheith an-chúramach orthu.

---

<sup>1</sup> Áiteacha a deirtear

<sup>2</sup> Deirní a deirtear